

1603. font basses à la coste, & dans les terres fort hautes. Ils ne sont si plaisantes ny fertilles que celles du Su, bien qu'elles soient plus basses.

Voilà au certain tout ce que i'ay veu de cette ditte coste du Nort.

Les ceremonies que font les Sauvages deuant que d'aller à la guerre. Des sauvages Almouchicois & de leur monstrueuse forme. Discours du sieur de Preuert de Sainct-Malo sur la descouuerture de la coste d'Arcadie; quelles mines il y a, & de la bonté & fertilité du pays.

CHAPITRE XII.

Sauvages que nous trouuâmes reuenant de la guerre, lesquels nous auions rencontrés à la riuere des Irocois.

Sauvages coupent les testes à leurs ennemis.

ARriuant à Tadoufac, nous trouuâmes les sauvages que nous auions rencontrés en la riuere des Irocois, qui auoient faict rencontre au premier lac, de trois canots irocois, lesquels se battirent contre dix autres de Montaignez, & apporterent les testes des Irocois à Tadoufac, & n'y eut qu'un Montaignez blessé au bras d'un coup de fléche, lequel songeant quelque chose, il falloit que tous les 10. autres le meissent à execution pour le rendre content, croyant aussi que sa playe s'en doit mieux porter. Si ce dict sauuage meurt, ses parents vengeront sa mort soit sur leur nation, ou sur d'autres, ou bien il faut que les capitaines facent des presents aux parents du deffunct, affin qu'ils foyent contens, ou autrement, comme i'ay dict, ils vseroient de vengeance, qui est vne grande meschanceté entre eux.